

世纪探源

黄以国命氏 史记索隐汝南弋阳县故黄国括地志黄国故城汉弋阳县在光州定城县梁置光州弋阳郡治光山唐太极元年徙治定城今为光州治左氏传胙之士而命之氏注若胡公封于陈命曰陈氏也黄之命氏以此 出自嬴姓 杜预左氏传注黄嬴姓国史记正义括地志向 其先曰大业少皞氏之后也 史记秦本纪帝颛顼之苗裔孙日发修生大业母不得以母故而祖其自出也说文嬴少皞氏之姓顾春秋姓氏表嬴已允偃俱少皞氏之后 母曰女修吞元鸟卵生大业 秦本幻女修织元鸟陨卵女修吞之生子大业 大业生大费 秦本幻大业取少典之子曰女华生大费 与禹平水土是为柏翳舜乃妻之姚姓之女赐姓嬴氏大费生大廉若木大廉之元孙曰中衍为太戊御后世有功于殷故嬴姓为诸侯 以上并见秦本纪 由殷历周黄之传国为久鲁桓公八年始见于春秋左氏传 桓公八年内左氏传楚子合诸侯于沈鹿黄随不会使违章让黄案春秋有黄邑二隐公元年左氏传惠公之季年败宋师于黄杜预注黄宋邑寰宇记所云睢州之黄沟也桓公十七年公会齐侯盟于黄杜预注黄齐邑陆史所云登州之黄县也并非黄国 不堪楚虐通于齐 春秋庄公十九年左氏传楚

子伐黄败黄师于踣陵僖公二年齐侯宋公江人黄人盟于贯三年齐侯宋公江人黄人会于阳穀四年江人黄人伐陈杜预注受齐命讨陈之罪卒以忤楚亡其国春秋僖公五年楚人灭弦弦子奔黄十一年楚人伐黄十二年楚人灭黄案史记楚世家成王二十二年伐黄成王二十二为僖公十年与春秋异后三百餘年至战国其裔曰歇事楚考烈王号春申君以好客闻赐淮北十二县地徙封江东见史记本传而故宅乃在黄广輿记黄歇宅卽光州治盖黄入楚后其宗族未尝他徙也考烈王卒诸黄避李园之祸始别着籍史记春申君列传考烈王卒李园死士侠刺春申君尽灭春申君之家秦并天下有曰庇为秦博士着黄公四篇见汉书艺文志其郡望不着至汉而黄氏多见于史于是在阳夏者曰淮阳黄氏前汉书循吏传黄霸字次公淮阳阳夏人丞相封建成侯薨谥曰定侯子思侯赏嗣关都尉薨子忠侯辅嗣卫尉九卿薨子忠嗣侯迄王莽乃绝在馀姚者曰会稽黄氏后汉书酷吏传昌字圣真会稽馀姚人大司农大中大夫在慎阳者曰汝南黄氏后汉书黄宪传宪字叔度汝南慎阳人号曰征君在南阳者曰南阳黄氏蜀志黄忠传忠字汉升南阳人后将军关内侯卒谥曰刚侯子叙早卒无后案吴书黄盖故南阳太守黄子廉之后自祖迁于零陵南阳之有

黄氏当自子廉始子廉汉书无考在泉陵者曰零陵黄氏 吴志黄盖传盖字公覆零陵泉陵人武陵太守偏将军子柄关内侯在閬中者曰巴西黄氏 蜀志黄权传权字公衡西閬中镇北将军降魏封育阳侯车骑将军仪同三司卒谥曰景侯子邕嗣邕无子绝权留蜀子崇尚书郎 而江夏黄氏魏郡太字香行尤显时人所谓天下无双江夏黄童也 后汉黄香字文疆江夏安陆人性至孝年十二太守刘护闻而召之署门下孝子博学经典究精道术能文章京师语曰天下无双江夏黄童元和初除郎中终魏郡太守 香之父为叶令黄况况生香香生琮 后汉书黄琮传琮字世英顺帝永建中征拜议郎终司空太尉封祁乡侯谥曰忠 琮孙琬后汉书黄琬传字子琰少失父桓帝永兴中以公孙征拜童子郎终司徒太尉封阳泉侯与东汉相终始 香以肃宗中和元年通籍琬以诛卓后死 其裔世居江夏安陆 今湖北德安府属江夏之裔曰洪曰浩居婺之金华 今浙江金华府属县居省南四百五十里 洪生璵瑕浩生琛玘璞琰仕唐为朝散大夫其迁地或仍居金华皆不可考而由金华他徙者瑕徙丰城 今江西南昌属县居省南一百二十里 沅江是为丰城始祖宋柳州司户参军得礼焕章阁学士畴若其后也 见丰城县志 琛以南唐时知甬江 今江西临江府属县居省西南二

百一十里 有德政遂留居其县之大中坊是为清江始祖璞初避兵至分宁 今江西南昌府属义宁州地在省西北三百五十里 旋买于长沙居益阳 今湖南长沙府属县居省西北二百里 是为益阳始祖其裔侍御公晦甫昭 一作照 最知名 并见文节公集 而玘字畔溪南唐时与弟璞同避兵分宁既而其子瞻以著作郎知分宁因居其县之双井是为分宁始祖即文节公六世祖也噫能言其祖郑子见师不闻首为畧次其源流于此命曰世纪探源更考其有旧谱所著及新搜集或父老遗传足资证者标题另列于后

黄氏为江汉间黄国之后考

黄氏以国为氏左氏传云胙之土而命之氏杜氏注曰若胡公封于陈命曰陈氏也考春秋有两黄国一为与沈姒蓐并封之黄人于晋水经所谓水出太原汾阳县北即其他也一为楚灭之黄在江汉间史记索隐所谓汝南弋阳黄县故黄国括地志所谓黄国故城汉弋阳县在光州定城县今为光州治是也广輿记云黄歇宅即光州治黄国灭于鲁僖公十二年入于楚春春申君仕于楚其故宅又在黄国故城知春申君为江汉间黄国之后汉代黄氏淮阳

前汉书循吏传黄霸字次公淮阳阳夏人丞相封建成侯谥曰定侯子思侯赏关都尉赏子忠侯辅卫尉九卿辅子忠嗣侯迄王莽国际 江夏 后汉书文苑传黄香字文疆江夏安陆人魏郡太守黄琼传琼字世英香之子封祁乡侯赠车骑将军谥曰忠侯孙琬字子琰太尉阳泉乡侯诛董卓后死 最着而皆于江汉为近则淮阳江夏诸黄皆江汉间黄国之后也

黄氏嬴姓祖少昊考

史记秦本纪曰秦之先为嬴姓其后分封以国为姓有黄氏杜预左氏传注云黄嬴姓国通志云嬴姓出于陆终出于高阳说文云嬴少昊氏之姓顾氏春秋世系表云嬴己允偃俱少昊氏之后路史云青阳之裔娶高阳氏之女曰修生大业大业娶少典氏女华生繇虞帝以为士师封于皋是曰陶有子三人长柏翳能驯鸟兽知其语言以服事虞夏始食于嬴为嬴姓封于费生大廉其后曰非子周孝王封之秦江黄耿弦兹蒲时白郯复巴宾穀麋邳葛祁谭皆嬴国也史记云颛顼氏之苗孙曰女修元鸟陨卵吞之生子大业大业取少典之子曰女华生大费与禹平水土是为柏翳舜乃妻之姚姓之女赐姓嬴氏大费生大廉若木大廉之玄孙曰仲

行为太戊御后世有功于殷故嬴姓多为诸侯考高阳氏即颛顼氏史记索隐谓大业其父不着秦赵以母族而祖颛顼非生人之义则谓嬴姓出于高阳氏者误也郟与黄同姓春秋左氏传云郟子来朝昭子问焉曰少昊氏以鸟名官何谓也郟子曰吾祖也我知之是嬴姓为少昊氏后而黄氏宜祖少昊之证也

黄氏多出金华考

文节公庭坚宋史本传云其先婺之金华人六世祖瞻知分宁县遂占籍焉公之叔祖南阳公注与待御公昭书云始吾高祖本东阳人案金华旧名长山吴置东阳郡陈置金华郡隋废郡改吴宁县开皇十二年改曰东阳十八年又改金华与吾侄五代祖实亲昆弟又提刑公彦平统谱称为庭坚族子丰城县志云彦平国学第一以庭坚名在禁锢抑置第四待御公居益阳提刑公居丰城是分宁益阳丰城诸黄皆出于金华见之纪载者也旧谱称分宁始祖瞻公之父玘公兄曰琛为清江始祖弟曰璞为益阳始祖诸兄弟曰瑕为丰城始祖曰琬曰琰曰琇曰任又以为吴楚闽粤诸黄之出于金华与分宁益阳丰城诸黄同也

黄氏谱称世谱考

文节公集留王郎世弼诗注云王纯亮字世弼山谷之妹壻见黄氏世谱又谢答闻善二兄九绝句诗注云黄氏世谱晦甫名昭晦甫为侍御昭之字是分宁益阳共为一谱旧称世谱也公之六世祖玘公侍御公之五代祖璞公丰城之始祖瑑公清江之始祖琛公皆昆弟也益阳世系见于世谱则丰城清江世系亦宜见于世谱也谱法多称欧阳氏家谱苏氏大宗谱而黄氏独曰世谱则文节公所手定以自别于欧阳氏苏氏之谱故黄氏仍以称世谱为当

文节公六世祖考

文节公宋史本传云六世祖瞻知分宁县瞻生元吉元吉生中理中理生湜湜生庶庭坚之考是以高祖之父为六世祖也文节公叔祖南阳公与侍御公书云始吾高祖与吾侄五代祖实亲昆弟则黄氏以高祖之父为五世祖也黄氏以高祖之父为五世祖瞻公为文节公之五世祖而瞻公之父乃为六世祖也南阳公书又云唐季畔溪避兵难乃携持书室来分宁伯仲非不睦也是畔溪为南阳公之高祖也瞻公于南阳公为曾祖则畔溪为瞻公之父无疑也旧谱称瞻公之父名玘然则畔溪乃其号而为文节公之六世祖也

黄氏世谱始于文节公六世祖考

文节公黄育字说云会稽黄渥与庭坚皆出于婺之黄田七世以上失其谱是黄氏世谱自公之六世祖始而七世以上皆阙也旧谱于文节公六世祖以上增人数世似非文节公世谱之旧相沿既久姑存其概而其信可征者仍以文节公六世祖为断也

文节公传

庭坚字鲁直其先婺之金华人六世祖贍以策干江南用为著作佐郎知洪州分宁县贍生元吉元吉始卜筑修水上葬两世于山中遂占籍焉元吉生中理赠光禄乡中理生湜赠朝散大夫湜生庶尝摄康州赠中大夫庭坚之考也庭坚幼警悟读书五行俱下数过辄忆康州奇之既孤从舅尚书李常学常曾过家塾见其书帙纷错因乱抽架上书问之无不通大警以为一日千里也治平中两省乡荐遂登四年第调汝州叶县尉熙宁中诏举四京学官有司考其文章优等遂大名府国子监教授留守太师文潞公才之留再任用荐者改著作佐郎先是眉山苏轼见庭坚诗于孙公觉家绝欢以为世久无此作矣因以诗往来会苏轼以诗抵罪庭坚亦罚金直委知吉州太和县改授宣德郎太和号难治庭坚以平易近民民亦不忍欺会颁

监策诸邑争授多数独庭坚平平耳大吏不悦而民安之到官年餘移监德州平镇序迁奉议郎哲宗卽位转承议郎赐五品服乃以秘书省校书郎召人馆未几除修神宗实录院检讨官集贤校理逾年除秘书省著作佐郎朝庭数议除美官为言事者所梗不果又迁朝奉郎遇郊当任子舍其子而官其兄之子实录书成当进一官丐回授母夫人李朝庭从之遂君安康郡庭坚事母孝有曾闵之行安康卧疾弥年庭坚书夜视颜色手汤剂衣不解带时其疾痛疴痒而敬抑搔之至亲涤厕牖浣中裙云遭母丧哀毁过人得疾几殆既还葬因卢墓侧终丧先是苏轼尝荐庭坚自代其畧曰瑰玮之文妙绝当世孝友之行追配古人世以为实录云服除除秘书丞集贤校理同修国史辞疾乞守太平除宣又改鄂未几管句亳州明道宫绍圣初议者疾乞守太平除宣又改鄂未几管句亳州明道宫绍圣初议者言神宗实录多诬失实召至陈留问状三问皆以实对謫授涪州别驾黔州安置命下左右或泣庭坚色自若投床大鼾卽日上道君子是以知庭坚不以得丧修戚芥蒂其中也至黔寓开元寺摩围阁以登览文墨自娱若无迁謫意俄以外兄作本路常平官避嫌移戎州庭坚一不以介意与后生让学孜孜不怠两州人士争从之游经庭坚指授下笔皆有可观今上登极复宣德郎监鄂州在城盐税改奉

议郎签书宁国军节度判官改朝奉郎知舒州又召以为吏部员外郎辞不拜上章乞郡得知太平州到官九日而罢管句洪州玉隆观寓居江夏庭坚风韵洒落胸中恢疏初无怨恩谈笑谐谑或以忤物盖尝忤赵丞相正夫而庭坚不屑也庭坚往尝作荆州承天院塔记转运判官陈举承风旨采摘其间数语以为幸灾谤国遂除名编隶宜州虽被横逆未尝一语尤之浩然自得也崇宁四年九月三十日卒于宜州寓居年六十有一大观三年十一月归葬双井祖塋之西元配孙氏孙觉之女封兰溪县君后配谢氏师厚之女封介休县君一男曰相一女曰睦嫁将仕郎李文伯庭坚学问文章天然成性落笔妙天下元佑中眉山苏轼号文章伯尝是时庭坚与高邮秦观宛邱张耒济源晁补之皆游其门以文相高号四学士一文一时出人争传诵之纸价为高而庭坚之文尤绝出高妙追古冠今烛后辉前晚节位益黜名益高世以配眉山谓山苏黄庭坚尝游潏皖乐山山谷寺石牛洞之林泉因自号山谷老人天下皆称曰山谷而不名字之以配轼之号东坡云庭坚楷法妩媚自成一家游荆州得石本兰亭爱翫之不去手因悟古人用笔意作小楷日进日他日当有知我者草书尤奇伟庭坚没后人争购其字一纸

千金云 宋史本传